

KAKIEN IN MADMÖD KO AN OREGON
OREGON HEALTH AUTHORITY, JIKIN PUBLIC HEALTH
JEBTA 333

JIKIN 19

ETALE IM KEJBAROK NAÑINMIJ KO: KAJUR IM EDDO KO EKKĀ

333-019-1010

Mennin Aikuj kin Wā eo an COVID-19 ñan Taktō im Rijerbal ro ilo Jikin Ejmour ilo Jikin Taktō ko

(1) Aurok nan state in bwe taktō im rijerbal ro ilo jikin ejmour ren bok wā eo an COVID-19. Ekut an wōr oktak ko COVID-19 ilo an bar walok nañinmij eo, im iomwin ien ej jemlok ilo oktak ko elablok aer ajeeded, kōmman nañinmij ko. Ilo ien eo rar bōk kakien in, oktak eo an Delta ear kōmman lablok jen 98 bōjjāān in karōkin mōttan ko jen jenkwān in enbwin ilo Oregon. Oktak eo an Delta ekkā an ruo ak jilu alen lablok an kabobo jen oktak ko an COVID-19 emōkaj aer kar walok. Ewōr kein kamool ej jino walok ke armij ro rej nañinmij kin oktak eo an Delta ewōr joñan nañinmij in emenono ko einwōt jekdoñ jekjekin wā im ej kwalok ke jekdoñ ewōr tōbrak ilo wā emaron jejjēt an oktak in ajeeded. An juon wā, elukkun aurok nan kejbarok an jab ajeeded Delta. Taktō im rijerbal ro an jikin ejmour rej loe elon rinaninmij ro iomwin juon raan im wiik, ekoba ro rej lelok kejbarok nan armij ro ilo moko mweir. Kajojo armij ro rej lelok kejbarok nan er ilo jikin kein elablok aer maron wor naninmij ko ibbeir jen armij ro jet im ej likut er ilo uwota in aer naj bok aban ko jen COVID-19. Oktak ko an COVID-19 rej bed ibben armij ro ilo state eo rejanin wā im komman an lablok keij ko armij ibben ro elukkun dedelok aer wā. Kakien in aikuj nan jiban kabojrak COVID-19, kejbarok rinaninmij im nan kejbarok rijerbal ro an ejmour ilo state eo.

(2) Kin wūnin kakien in, komelele ko laajrak rekkar:

(a) “Juon rikoontoreak” ej melelein juon rijebrla ewor an koontoreak ibben taktō ro ak rijerbal in ejmour nan lelok jermal in jiban ko ilo jikin taktō ko ilo Oregon.

(b) “COVID-19” melelein juon naninmij ear komman jen juon naninmij in coronavirus 2 menono ekauwotata im aitok kutien (SARS CoV-2).

(c) “Lukkun dedelok an juon armij wā” ej melelein juon armij eo emōj an bōk wā ko ruo an COVID-19 ak wā eo an COVID-19 juon alen bōke im jab diklok jen an mootlok 14 raan jen ien eo armij eo ear bōke wā in COVID-19 eo aliktata aikuji.

(d) “Taktō im rijerbal ro an jikin ejmour”:

(A) Melelein kajojo armij, ro rej kolla ak rejab, rej jermal, katak, jikuul, jiban, lale, ak lelok jiban ko aer ilo jikin taktō ko rej kaju lelok jiban nan rinaninmij ak armij eo ej jokwe ak ro remaron kaju ak jab kaju kebaak rinaninmij, ro rej jokwe, ak kein jermal ko retoonon, im ekoba botab ejab jemlok wot nan jabdewot armij eo ewor an lai jen juon board ej kakien kin ejmour im emoj komelele ilo ORS 676.160, rikejbarok ro ejellok aer lai jen, im jabdewot rijerbal in obij, mōñā, jiban ko ikijen mejatoto, kwalkwol nuknuk, injinea, im lale moko, komadmod, muri, rijikuul, im ro rej lelok jiban ko aer.

(B) Ejab melelin jinen im jemen, ro uwaan baamle, rikejbarok ro ak jinen im jemen ilo foster im rej jokwe ilo imon jokwe eo im lelok kejbarok nan juon ajiri ak ajiri in foster ilo mweo mweir.

(e) “Jikin taktō”:

(A) Melelein jabdewōt jikin ewōr jibañ in ejmour, ekoba rej lelok jibañ in ejmour ñan enbwin ak mantin im ekoba, bōtab ejab jemlok wōt ñan jabdewōt jikin ejmour ak objij ej laiijen iomwin ORS jebta 441 ak 443, einwōt aujbitol, jikin idin mwijmwij, jikin kōlōtak ko, jikin taktō ko rinañinmij rej deloñ im rej make wōt, jikin kejbarok nañinmij iomwin ien aitōk, jikin kemourur an rinañinmij, jikin hospice ko rinañinmij rej deloñ, imōn nōōjin ko im jikin jokwe ko ewōr rej jibañ, jikin jibañ in ejmour iloan em, hospice, jibañ iloan imōn jokwe, jikin wa ak jikin ko an jidik ien im rej lelok jibañ in ejmour (einwōt jikin taktō ko ilo wa, wa ko an idin jorrāān), im jikin ko rinañinmij rejab deloñ einwōt jikin liklik ko, objij ko an taktō, jikin idin taktō, jikin koonjel ko, objij ko rej lelok kōmadmōd ko jet roktak jen wūno einwōt acupuncture, homeopathy, naturopathy, chiropractic im wūno in osteopathic, im jikin ko jet rej make wōt.

(B) Ejab koba jabdewot jikin emoj komelele ilo ioon (A) kin jikin in ilal im pade eo an eddo ej mottan kien eo an state einot komelele ilo ORS 174.111.

(C) Ejab koba jabdewot moko mon armij make elane mweo ejellok an laiijen, kadelon etan, ak kamool ke ej juon jikin ak em emoj laajrak ilo ioon (A) ilo mottan jikin eo.

(f) “Kojenolok kin taktō” melelein juon armij eo ewor an naninmij ak utamwe in komelij ej komman an armij eo jab maron bok wā eo an COVID-19.

(g) “Kojenolok kin Kabun” melelein juon armij eo ewor an tomak in kabun ej komman an armij eo jab boke wā eo an COVID-19.

(h) “Kein kamool kin wā” ej melelein emōj lelok beba jen juon bwij, kien an federal, state, ak jukjukinbed, ak juon jikin taktō, ewōr etan armij eo, raan in lotak eo an, wā eo an COVID-19 rōt rar lelok, raan ak raan ko rar lelok, ekkar ñe wā eo ej juon alen ak ruo alen wā, im etan/jikin taktō eo ak jikin eo im rar lelok wā eo. Beba eo emaron koba, bōtab ejab jemlok wōt ñan kaat in rekoot kin wā eo an COVID-19, ak juon kabe ak bija ilo kein jermal kabel kin kaat in rekoot wā eo, ak juon beba emoj an print jen jikin kadelon melele in wā eo an Oregon Health Authority.

(i) “Pade eo an eddo” melelein juon armij ak armij ro ewor aer maron ak eddo kin makutkut ko an taktō ak rijerbal in ejmour ro ilo juon jikin taktō.

(3) Alikin Oktoba 18, 2021:

(a) Juon taktō, rijerbal in ejmour emaron jab jermal, katak, jikuul, jibañ, lale, ak lelok jibañ ilo juon jikin taktō ijellokuj ñe elukkun dedelok aer wā im emoj aer lelok beba n kamool kin aer melim in jab wā kin taktō ak kabun.

(b) Juon jikin jermal an taktō ak rijerbal ro an jikin ejmour, juon rikoontoreak, ak juon pade an eddo emaron jab kojermal, koontoreak ibben, ak komelim jibañ ko armij rej make lelok jen rijerbal in ejmour ak armij ro rej jermal, katak, jikuul, jibañ, lale, ak lelok jibañ ko aer ilo juon jikin taktō ijellokun ne takto ak rijerbal ro an jikin ejmour relukkun dedelok aer bok wā eo an COVID-19 ak ewor aer beba in kamool rejab maron boke kin naninmij ak kabun.

(4) Ilo ak mokta jen Oktoba 18, 2021, taktō im rijerbal ro an jikin ejmour rej aikuj lelok nan jikin jermal eo aer, koontoreak ak pade eo aer eddo kin:

(a) Kein kamool kin wā ej kwalok elukkun dedelok aer wā; ak

(b) Beba in kamool kin an wōr komelim ikijen naninmij ak kabun.

(A) Juon komelim in takto aikuj kobalok kin juon beba emoj an juon takto jaini, im ejab armij eo ej kabok komelim nan an jab, ilo juon beba ear etal jen Oregon Health Authority, kamool ke armij eo ewor an utamwe ikijen naninmij ak komelij ej komman an armij eo jab maron boke wā eo an COVID-19 ekkar nan jejjetin kakolkol jen taktō, im ej kalikar elane utamwe eo ej an jidik ien ak ñan indeo.

(B) Juon komelim ikijen kabun ej aikuj kobalok kin juon beba in kamool, ilo juon beba jen Oregon Health Authority, jain jen ibben armij eo ej kwalok ke armij eo ej kajitok komelim in jab boke wā eo an COVID-19 kin tomak in kabun im ekoba kein kamool ej komelele wāween eo mennin aikuj eo ikijen wā ej kakkure tomak im makutkut in kabun eo an armij eo.

(5) Jikin jermal ko an taktō im rijerbal ro an jikin ejmour, rikoontoreak ro, im pade ro aer eddo im rej lelok komelim in jab aikuj wā iomwin jekjon (4) in kakien in rej aikuj bok bunten ko ewor tokjeir nan loloorjak ke takto im rijerbal ro an jikin ejmour ro rejanin wā rej kejbarok jen aer boke im kaajeeced COVID-19.

(6) Ilo ak mokta jen Oktoba 18, 2021, aoleb jikin jermal ko an taktō, rijerbal ro ilo jikin ejmour, rikoontoreak ro, im pade ro ewor aer eddo ej aikuj wor aer beba in kamool ke aoleb taktō im rijerbal ro ilo jikin ejmour rej loor jekjon (4) in kakien in.

(7) Ejellok melele ilo kakien in ear komman ñan kamo jikin jermal ko an taktō ak rijerbal ro ilo jikin ejmour, rikoontoreak ro, im pade ro ewōr aer eddo jen:

(a) Loor Kakien eo ej Utamwe ro ilo Amedka im Taitol VII an Kakien eo ej Kejbarok Maron ko an ARmij im kakien ko an state einwot, nan kajojo armij ro rejab maron wā kin nañinmij ak tomak in kabun.

(b) Wor mennin aikuj ko elablok aer mo ak lablok, ekoba botab ejab jemlok wot ñan aikuj an taktō im rijerbal ro an jikin ejmour wōr aer beba in kamool kin juon lablok ak mottan wā eo elablok in wā eo an COVID-19 im emōj an Obij eo an Amedka im ej bok eddon kejbarok im bobrae naninmij rojañ kake.

(c) Kommane mennin aikuj ko ilo raan eo moktalok.

(8) Beba in wā im beba in komelim ko ñan jab bok wā eo ikijen taktō ak kabun emoj komelele ilo jekjon (4) an kakien in aikuj:

(a) Kejbarok ekkar ñan kakien ko an federal im state rekkar;

(b) Kejbarok jab diklok kin ruo yiō; im

(c) Lelok ñan Oregon Health Authority ilo ien ewōr kajitok.

(9) Rijerbal ro an taktō ak rijerbal ro ilo jikin ejmour, rikoontoreak ro, im pade ro ewor aer eddo im renaj rube jabdewot kakien rej ioon kaje ko an jikin kin \$500 kajojo raan kajojo kakien erub.

Kakien/Bar Juon Obij: ORS 413.042, ORS 431A.010, ORS 431.110 & ORS 433.004

Kakien ko/Bar juon Emōj Kōjejjet Kūtien: ORS 431A.010, ORS 431.110 & ORS 433.004